



**Andreæ Vallensis Vvlgo Del Vavlx Andanensis, I. V. D. Et
In Alma Academia Lovaniensi SS. Canonum Professoris
Ordinarii, Paratitla Ivris Canonici Sive Decretalivm D.
Gregorii Papæ IX. Svmmaria Ac ...**

Delvaux, André

Coloniæ Agrippinæ, 1686

9. Quando juramentum confirmet contractum, vel non.

[urn:nbn:de:hbz:466:1-62177](#)

intentione præstito, sequitur naturaliter & necessario obligatio. Ratio est, quia talis obligatio non pendet direcione & proximè à voluntate & intentione iurantis, sed tantum removet & immediate provenit ex iuramento, vel alio acto, ad quem necessario sequitur.

Dixi, absoluta intentione emissum: quia si fuit conditionata, sicut suspendit coacessum in etiam consequenter effectum seu obligacionem, donec adveniat & existat conditio.

2. Secundus effectus est, confirmare ipsam promissionem vel pollicitationem: & aliquando etiam contractum. Qod ut intelligatur, sciendum est.

3. Differre ista, juramentum esse validum, obligareque ad sui observationem, & juramentum confirmare contractum: sed habere se ut magis & minus commune. Nam juramentum dicitur validum, quandocumque servandum, ob honorem divini nominis, etiam si illi, in cuius favorem præstitutum est, nullum jus per illud acquiratur. Sic juramentum de solvendis uluis validum est, quia servandum, ob honorem divini nominis, cum servari possit absque dispensatione salutis æternæ & sine præjudicio tertii: & tamen per illud nullum jus creditoris acquisitur; ideoque relaxato juramento, vel impleto per solutionem usurarum, repeti soluta possunt, e. i. *C. Debitorum 6. b. tit.*

4. Confirmat autem contractum, quando non solum servandum est, sed etiam alteri in cuius favorem præstat, jus tribuit, & contractum in sua specie efficit validum. Et hinc sit, quod quamvis relaxetur juramentum, maneat nihilominus obligatio justitiae ex contractu, que transit ad hæredes.

5. Hinc quoque patet, magnum esse discrimen inter juramentum, quod confirmat contractum, & illud, quod non confirmat: nam quando obligat, nec tamen confirmat contractum, relinquens contractum in sua natura invalidum atque inefficacem, si talis in se sit: quia ei vinculus nullum adiicit, sed tantum obligat in ordine ad Deum, ne sit falsus testis. Ideoque relaxato iuramento, potest immediatè contraveniri contractu ex se invalido, et nulla remaneat obligatio.

6. Quando autem confirmat contractum, tunc licet, secluso juramento, si sit nullus, tamen efficitur vinculus & irrevocabilis, ratione jura-

menti, ut communiter tradunt *D. D. inc. C. Cum contingat 28. b. t. & inc. 2. De pactis in 6.* Ideoque relaxato juramento ab alio; quam à creditore, ex justa aliqua causa, v. g. ob læsionem, remaner adhuc contractus validus: quia cum accessit firmitatem ex iuramento, & illa dependet à juramento solum in fieri, ut loquuntur, non autem in conservari, non debet, causa firmatis cessante, rescindi, nisi superveniat causa aliqua annullans, c. *Pactum 1. gitimè de R. I. in 6.*

Dixi, relaxato iuramento ab alio, quam à creditore; qui si creditor ipse relaxat, etiam contractus dissolvitur, & cessa omnis obligatio. Nam creditor non potest relaxare juramentum, quasi per se, & immediate, sed cedendo iuri suo, & quasi tollendo fundamētū juramenti.

7. Secundū differunt, quod, quando contractus firmatur juramento: cum iam sit jus partii quæsum, non licet amplius contravenire contractui, nec peti possit absolutio, nec facta solutione detur repetitio, sed contractus maneat omnino firmus & irrevocabilis, ut indicant, in *Auct. Sacramenta puberum Cod. Si adversus venditionem &c. verba illa, inviolabilitas custodianus: & illa in d. c. 2. De pactis in 6. omnino servari debet.* Quandò vero juramentum est servandum ob Dei honorem, ut in *d. c. Debitorum 6. b. t.* cum relaxatio licet peti potest. Et vèò facile concedi debet, quia cum nullum jus acquiratur homini, cui juramentum præstat, sed Deo duntur, ideo Prælatus, tanquam Christi vicarius potest illud eius nomine relaxare, subsidente iusta causa relaxandi. Sin autem iurans nolit petere relaxationem, satisfacie, licet statim, ut solvit, repeat solutum, quia implevit iuramentum, & alter solutum iniuste reuener.

§. IX.

Quando juramentum confirmet contractum vel non.

1. *Actus jure natura irritus non confirmatur iuramento.*
2. *Non etiam actus prohibitus ob favorem publici.*
3. *Confirmatur vero ob privatam utilitatem prohibitus principaliter.*

1. **H**ac de re aliquot regulæ assignari possunt.
Quarum sit hæc.

Prima: *Actus*, qui iure naturæ est irritus

D. 2

14

vel irritari potest, non confirmatur juramento: secundum communem opinionem DD. ut quando vix dolo extorius est: nam tunc ratione injuria teneatur extortor ad restitutionem nec ullum ius solidum acquirit. Si tamen id, quod promittitur, non sit illicium, servandum est juramentum, cum servati possit sine dispenso salutis aeternae, nec vergat in praedictum tertii, si unque ille, in cuius favorem est praestatum, illud servari velit; & alias legitimè non relaxetur.

2. Secunda regula: Quando actus prohibitus est principaliter & immediatè ob favorem publicum, qui immedietate respicit ipsum statum Recip. & bonum communis, ut communis est, non confirmatur juramento, cap. Sdiligentiz. *Sup Diforo compet.* Ratio est, quia nullus privatus potest renuntiare favori publico, favori legis, immediatè prospicientis communis boni, *l. Iua publicum D. De patzis, d. e.* Sdiligentz. Talis vero actus est contra bouos mores naturales, hoc ipso, quo est contra bonum commune, & proinde juramentum, illi adiectū, non obligat, *e. non est obligatorium De R. 1 in 6.*

3. Tertia: Quando contractus est prohibitus principaliter & immediatè ob privatam utilitatem & bonum cuiusque civis, secundatio verò ob publicam utilitatem ac bonum commune, quatenus illud ex singulorum commodis exurgit, tunc confirmatur juramento, *d. e. 2. De patzis in 6. & d. Ant. Sacra menta puberum;* ubi contractus favore minoris nullus confirmatur juramento: & *d. e. Cum contingat hoc tit.* Ubi alienatio fundi dotalis, favore mulieris nulla, similiter juramento confirmatur. Ratio est, quia unusquisque potest renuntiare favori pro se per legem introducto, *d. e. Sdiligentz.* Et praedictum boni communis, cum causa sit modicum, Lex canonica non curat. Confirmatur autem tunc contractus, nisi sit reprobatus odio creditoris, in ejus favorem præstatur, quia in eo est turpitudo. Nam licet juramentum servandum sit, donec relaxetur, ne Deus in falsum testem adducatur: tamen tunc non confirmat contractum, ne sit vinculum iniquitatis, *s. contra e. Quanto 8. hse 33.* Debet autem turpitudo ista esse de jure naturali vel divino, nam si sit de jure humano, juramentum non confirmat contractum, quia super-

pler vitium, *e. Quamvis de pactu in 6. purgare vitium nullitatis jure civili inducat.*

TITULUS XXV.

De Exceptionibus.

- 1.2. *Ratio ordinis, & Exceptio quid sit.*
3. *Alia est Exceptio Facti seu intentionis, aliæ Lurie.*
4. *Exceptionum luris alia Dilatoria, aliæ Peremptoria.*
5. *Dilatoria que dicantur.*
6. *Eorum quedam desumuntur ex persona ludi.*
7. *Qua regulariter proponi debent ante litium contestatam.*
8. *Recusatio iudicis qui & coram quo proponenda.*
9. 10. *Quedam ex persona actoris & rei conveni.*
11. *Ea quoque proponenda regulariter antelitum contestatam.*
12. *Peremptoria que sint.*
13. *Ea regulariter usque ad sententiam propin possum.*
14. *Exceptio eliditur Replicatione, & has Duplicatione, &c.*

Hucusque sufficenter ostensum est, quomodo actor suam intentionem probet: sequitur de Exceptionibus, quibus reus vicissim se adversus actorem defendit: nam Exceptiones nihil aliud sunt, quam defensiones rerum, quibus probationes seu actiones adversariorum, sive jure competentes, sive de facto intentatas, elidunt. Tametsi verò dilatoris exceptiones ante litium contestatam regulariter opponi debeant, unde hic Tit videtur præponendus Titulo, *De litio contestatione:* tamen ut simul & semel de exceptionibus agatur, recte hoc loco subjicitur, quia exceptiones peremptoriae, quæ magis negotium principale afficiunt, post litum contestatam ut plutimum opponuntur.

2. *Est autem Exceptio actionis vel intentionis agentis exclusio, & in princ. D. h. tit.*
3. *Ea in genere vel est facti seu intentionis, vel Juris facti seu intentionis est, qua reus actoris, nullo jure agentis, intentionem excludit*